

天津縣新志卷二十六

物產

天津舟車四達之區百貨雲集故工之所製作商之所
 懋遷大率以遠物為貴非土產也土產之饒者惟鹽最
 著外此別無致富之源試以農論民非不耕於野也穀
 非不糶於市也然以土地之廣戶口之殷麥則取給於
 河南米則受濟於蘇浙秫粟菽豆之屬亦莫非仰食於
 鄰就彼之所輸入以視我之所輸出蓋已微矣況乎蠶
 桑不講無以為絲棉苧不滋無以為布求材木則無可
 伐之山林問田畜則無成羣之芻牧雖地多川澤荏蒲
 之繁殖魚蛤之充物未嘗無補於民生要之一任天產
 之自然盈於此者不免絀於彼嗇於前者無由豐於後
 得毋地猶有遺利乎茲即縣境所有證以前書詢諸野
 老類記而詳說之不以微末而不及不以習見而弗載
 不以名有異同而過為考辨之言但冀備方物識土宜
 即以察其有無盈虛之故籌為倡興補劑之方則是篇
 所述當亦考風土者所樂聞也

天津縣新志

卷二十六

黍

赤黑二種俗名黃米亦名黏米 稷 今呼為糜 稻

梁

紅白黃三種俗名穀脫殼者名小米 麥

春秋二種 大麥

米大麥芒 蜀秫

紅白二種俗名高粱 玉蜀秫

俗名玉米又名棒子

脂麻

俗作芝蔴 稗 黃白紫黑二種一有芒一無芒 蕎麥

大豆

黑白黃褐青斑六種 小

豆赤白二種 菜豆 豇豆

右穀之屬 縣地濱海斥鹵注下而獨宜開渠栽
稻若南門外及葛沽小站軍糧城自來試種者無
不有穫西北高原土燥而瘠不甚宜麥非雨極霑
足不能播種其所最宜者曰梁曰蜀秫曰玉蜀秫
連畝接畛多稼如雲以其為民食所需故生之者
眾也若黍若稷若大麥若大豆亦農家所重因地
順時而種之脂麻品貴必擇沃壤餘則以收入薄
雜植諸瓜疇芋區之閒而已至大麥取以製饅豆
取以榨油不過供境內之用惟直沽之酒廣售遠

天津縣新志 卷二十六

二

洋但用秫多不盡本境產也

菘黃芽青葉二種俗名白菜別有洋白菜箭桿白菜二種 萊菔青白二種俗名蘿

黃二種又早蘿葡一種色紅形圓而大又水蘿 芥菜頭葡一種色紅又紫水蘿葡一種俗名子孫蘿葡

芥之一種其根 諸葛菜芥菜初生之葉 蔓菁 茄別有形長色俗名大頭菜

茄 甘藍俗名 胡瓜俗名黃瓜 南瓜 北瓜俗名倭瓜 冬瓜 瓠俗名本

壺俗名胡蘆別有一種名瓠子 水胡蘆俗名西胡蘆又名西瓠 菜瓜別有一種 香

瓜別有一種形稍大京師名甜瓜津人統名香瓜 絲瓜 胡葵今名蓼葵亦名香菜 菠薐

俗名 芹 蒿苳俗名 生菜一名白苳 苦菜一名苦苳亦名苳菜 雲薑俗名

油 瓢兒菜 茭白 蒲菜 金鍼菜即金簪花俗名黃花菜簡名花菜

穰香俗作 銀條菜 玉環一名甘露一名草石蠶一名地蠶俗名地環菜 蒼蓬

一名恭菜俗名根頭菜 馬齒莧俗名馬 萹蒿 蔥大小二種 韭青黃二種 蒜

大蒜青蒜二種別有一種名蒜毫 番椒俗名辣椒別有一種 薯蕷俗名山藥

其葉腋所生 甘藷俗名山芋 芋 蠶豆 豌豆 雲豆角

洋山藥豆 洋蘆

右瓜蔬之屬 天津環境溪流隨處皆可戽水澆

畦故園圃蔬茹之饒四時弗絕每晨村民肩挑入

市盈筐累筥能供城中一日之需瓜類富於夏秋

至秋末菘既成熟掘藏地窖中日日取而鬻之自

冬歷春可以不竭廣植豐收灌園者賴以為利其

次為芥菜頭為萊菔菹而食之其品最良用者多

天津縣新志

卷二十六

而行之遠若茄若甘藍萵苣蔓菁菜瓜玉環皆可

供醃菜之用至洋山藥豆洋蘆其種來自海外以

形似而名生殖極易人亦喜食

桃 李 杏 梨 石榴 檳子 花紅俗名沙果 小棗

棠梨又名杜梨 櫻桃 葡萄 無花果 荸薺 地梨 落

花生 藕 蓮子 菱 芡俗名雞頭米 西瓜

右果實之屬 葛沾產桃形小色青質脆而少液

自為一種名葛沾桃亦產杏每春兩岸花開最盛

其他果木人家庭院或郊原隙地偶植一二株僅

以點綴風景不重在結實也葡萄以梁家嘴村產

者為多西郊亦種之未聞有以釀酒者西瓜為夏日人所必食之品往往舟載而來蓋所產不足濟用則有鄰地輸入者矣

柏 檜 榆 與江南之檜別有龍爪檜一種 槐 別有龍爪槐一種 椿 俗名臭椿 桑

楊 白青二種俗名大葉楊小葉楊 柳 長條短條二種俗呼長條者為垂楊柳 檉 亦名河柳俗名山川

柳合歡 俗名絨花樹 椒 海棠 竹 荆

右木之屬 天津衢巷狹仄夏無憩陰人家閒有植榆槐者而最忌桑以桑與喪音相似也野外亦無茂林惟富家塋域喜種柏檜白楊之類用以遮護墳墓非為取材而設農民所植以柳為多或有

天津縣新志 卷二十六

成行者歲伐其條而鬻之亦自然之利也

蘆葦 蒲 棉 麻 馬藺 三稜草 即地梨之莖 馬絆草

俗名馬馬芽子 薺 又別有種名碎米薺 藜 灰藿 野粉團 藤長苗 俗名

燕藿苗根 老鶴筋 茶葉科 馬房 俗名節節草 茜 藍 即靛草 羊

蹄 俗名土大黃

右卉之屬 蘆葦叢生東北鄉及南洼積水之區

多有之不種自穫收入甚豐其次為蒲為用亦大棉麻閒有藝之者以地多非所宜也馬藺三稜能織器物馬絆取以束帚薺與藜及灰藿野粉團老鶴筋歲饑食之可救荒藤長苗味甘可啖茶葉科

可代茶馬房飼馬草也茜藍羊蹄皆染料也春夏
閒原野萋菲一望無際種類非一茲但記其有用
者其可充蔬菜或入藥品者已分見不再及餘但
供畜牧及歲晚刈之代薪而已

茵陳 青蒿 薄荷 薊大小二種 蒲公英 枸杞 地骨

皮 旋覆花 紫花地丁 益母草 車前 蛇牀

蒺藜 兔絲 蒼耳 酸漿一名洛神珠俗名金
鐙又名紅姑娘子 夏枯

草 澤蘭 葎草俗名拉秧 地膚 大青葉 白茅根

蘆根 側柏 地錦 忍冬一名金銀花 蕭蓄 蘇 連翹

百合 虎耳俗名金絲荷葉 葶藶 榆白皮 桑白皮 蒲

天津縣新志 卷二十六 五

黃 薺冬 青箱 槐花 甜瓜蒂 扁豆 大麻仁

葶草一名水葶花俗名水蓬花 射干 阜茨 栝樓 冬瓜仁

浮萍 芒硝 牡蠣 蛤粉 海螵蛸 馬蠶房 蠶

沙 鱉甲

右藥物之屬 藥草從無開畦藝種者皆雜生叢
莽閒農民耕作餘閒辨識而采擷之以鬻諸市物
非貴品所獲甚微市人賤買厚積捆載而轉輸於

南其價較重

迎春 芍藥 丁香紫白二種 夾竹桃 萱花 蜀葵俗名大麥

熟 錦葵俗名小麥熟 鷄冠紅白二種 鳳仙紅白二種 翦春羅 翦秋羅

木槿 石竹一名瞿麥 望江南 牽牛 陵霄 晚香玉

江西臘一名六月菊 火球一名千日紅 蝴蝶蘭 月季 刺藤

一作刺梅 米囊一名罌粟 紫芥芥之一種亦名山芥 向日葵 繡球 美人

蕉 荷包牡丹 荷花 秋葵一名黃蜀葵 金雀 紫藤

薔薇 秋海棠 玉簪 秋丁香一名草茉莉 翠雀 玫瑰

絡石藤俗名跑山虎 菊花 西番蓮一名洋牡丹 長春俗名金盞

右花之屬 四時之花供人玩好業此者多在西

郊臨流設市羣芳滿圃然北種無貴品其移自南

方者尙有蘭桂茉莉瑞香山茶山躑躅南天燭之

屬培植不易論價亦昂唐花則有牡丹玉蘭梅花

天津縣新志 卷二十六 六

水仙碧桃每當改歲之時稱利市焉海舶大通以

後花之種類來自外國者亦復不少喜新厭故之

流遂爭致之

鷄 鴨 鶩 鳧俗名野鴨又一種尖喙名姑丁 烏鴉 鳩 鵲 土

燕別有海種 雀 黃雀 靛雀俗名自 鐵雀 阿鷓 鴿

桑扈俗名蠟嘴 布穀 葦喳子 鷓鴣 藍靛頰俗名馬蘭花

紅靛頰俗名紅脖子 白翎亦名百靈 白眼 白玉鳥 北畫眉一名灰串

太平鳥 啄木 鷓鴣俗名魚鷹子 鷹 鶴 天鷲 地鴉

鷓俗讀若被音 鷓俗名貓兒頭 鬼車鳥俗名九頭蟲

右羽之屬 鴈如過客燕似寄居不得目為天津

產也天津有土燕形如越燕而小性拙巢野外海
燕較大俱無紫領春秋鴈來村人弋而食之官府
恆以爲禁鳧好羣飛棲水草閒人以佛郎機聚而
殲之所獲甚夥近亦有以網羅得者鷺喜其鳴不
食其肉鷄爲日饍所需仰給於外籠以入市者相
踵接也鴨則傍水居民多有蓄之者然亦弗給鴿
供玩好亦食其卵冬有鐵雀味美可入饌鷹用以
搏兔鷓鴣用以捕魚皆禽之可役使者聞布穀以
知時視鵲巢以知風向聽鳩語以驗雨晴而最惡
聞鴉聲儻飛入人家則尤視爲不祥至籠飼能鳴

天津縣新志

卷二十六

七

之鳥不過借以破寂怡情別無所益其他飛翔雲
際自去自來殆皆無與人事者也

馬

羸

驢

牛

羊

別有山
羊一種

豕

犬

大小二種別
有獵犬一種

貓

狐

狸

狼

獾

鼠

田鼠

俗名倉官

鼯

俗名大
眼賊

鼯

俗名

黃鼠
狼

兔

別有一種
名白兔

狷

右毛之屬

家畜中之可乘者若馬與羸必求良

種常購自外其僅用以負重或代耕則多出鄉閭
所產牛乳曩時食者少今漸有嗜之者故養牛之
家亦漸多鄉人素以宰耕牛爲戒其所食者皆但
飼之而不耕俗所謂站牛也羊則販自關外惟豕

孳息最繁以食者眾不足供取求亦有自外販入者兔肉可燔獵人恆得之狐狸狼獾其皮可衣可寢大率穴伏荒冢閒人罕見其迹也鼬抽其豪以製筆獬剝其皮以入藥恆為乞兒所捕獲至於毛皮骨角通商以後俱為輸出之品殆變棄物為利源者也

鯉 鮑 魴 鰕 鮎 鱧 鱒 鱣 鰻 泥鱮 刀魚

別有鯮一種形似刀魚而小 厚魚 河鮑一作河豚 回網魚 鹹魚 辭

暖魚 銀魚 白條魚 俗名麩條魚 白魚 青魚 本名鯖 黑魚

本名鱧亦名七星魚 比目魚 石首魚 一名黃花魚 巨羅魚 俗名騰梭

天津縣新志 卷二十六 八

魚 鱸魚 海魚 魯魚 羊魚 燕魚 金魚 鰕 青曰青草鰕白曰白

米鰕出於港者曰港鰕出於海者曰黃鰕其大者曰對鰕 蟹 出於海者名海蟹 鱉 龜 螺

蛤 青白二種 蛭 蚌 蟾蜍 蛙 青鷄 俗名田鷄 馬基 亦名馬蟻

右鱗介之屬 魚類多常品惟銀魚為特產嚴冬

水洹游集三岔河中伐冰施網而得之瑩潔澈骨

其味清鮮非他方產者所可比惟過時即絕回網

鬚鬣鈛利不可嘗亦不受釣生蘆叢中或為漁人

父得河鮑出北運河剖其白啖之名西施乳刀魚

味美多骨石首以出河口者為佳凡魚以鹽漬而

乾之皆名為齎惟鱸最多故人呼鱸為齎魚舊志

謂濱海之區每歲穀雨後漁人駕舟出海約三百號所捕魚不下三十種而不詳舉其名茲但記所常見者燕魚以春時至故名羊魚頭形似羊其尾有刺不可觸魯魚重十數斤而味不美青魚昔出於運河後乃絕種今復有之由舟車載自南方黑魚人不喜食海蟹饒於春河蟹至秋乃肥鰕之出於河者四時裕如也鰕蟹俱可醢合之魚腊為海濱利源之一

蠶

蜜蠶土蠶馬蠶三種

蠶

大而黑者小而碧者二種

蟋蟀

螳螂

俗名刀郎 蛄

蛻

一名蛻蛾又名轉丸

螻蛄

蜻蜒

青黃紅黑四種

蝗

本名螽俗名螞蚱又一種身足俱長

天津縣新志

卷二十六

九

頭銳俗名擔杖鉤

草蟲

俗名聒聒

莎鷄

俗名沙兜蟲

蜉蝣

花牛

俗名金牛 蝶

蛾

螢

蚊

蠹

蠨蠸

亦名蠨蠸蟲

蠅

青蒼二種別有麻蠅一種

蝙蝠

龜

別有長腳者一種名喜子即蠨蛸又有能捕蠅名蠨虎

蝸牛

守宮

俗名蠨虎

蠍

蟹

黏蟲

尺蠖

一名步屈

蠋

俗名豆蟲

蛇

蜈蚣

蚰

蜒

蛛

俗名錢串子

蚓

螟蛉

蟻

蠹魚

蝨

蚤

蠃

俗名臭蟲

右蟲豸之屬

天津有蠶作蜜向不尋其房所在

蠶種小婦女或有養之者艱於求桑往往棄其子

於水謂能化魚也黏蟲及蝗皆害稼而蝗尤甚津

人多喜食之惟生殖最繁捕之不盡不如掘其子

掩其蛹圖之於早也害人之物若蠅若蛇若蜈蚣
若蚰蜒閒或有之蛇之皮蟬之殼蝙蝠之糞皆可
入藥非貴品也蟋蟀善鬪得一良種居爲奇貨草
蟲之屬凡能鼓翼而鳴者至冬日烘以煖房使之
早生可昂其值鬻之皆第供游閒者之玩好耳

天津縣新志卷二十六終

天津縣新志

卷二十六

十